

Wednesday, December 17, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

SOCIAL WELFARE AND TRIBAL AFFAIRS MINISTER

Social Welfare and Tribal Affairs Minister Pi Lalrinpuii’n ruihhlo ngaite tana Mizoram sorkarin Hulhiap Short Stay center a siam a sum sen zat chu cheng nuai 205 leh 913 a tlin tawh thu a sawi.

Nimina chanchinbu mite a hrilh danin, Social Welfare Minister chuan ruihhlo ngaite chu short stay center-a an luh atanga ni 10 chhungin doctor leh nurse-te vilna hnuaiah an taksa a ruihhlo chambang te thua hfaina hun de-toxification an neih thin thu a sawi a, De-tox an zawh atanga ni li chhung chu mithiam rual psychologist leh social worker te’n an mahni kawmna hun an hman thin thu leh hemi hun chhung hian zan lam ah inkhawmna an buatsaih thin thu sawiin, ni 15 chhung an awm zawh hnuah Synod Revival Team lamin ni 5 chhung awh camping neihpuuin hun khar thin a ni, a ti.

Pi Lalrinpuii chuan camping center a lut te chu an chhuah hnu in Aizawl hmun remchangah an chhungte kawm ho na hun hman thin anih thu sawiin a duh tan course an zawh hnuah pawh de-addiction centre a hun rei zawk inenkawl na an siamsak a ti a, eizawmna dap kawngah pawh theihtawp an chhuahsak thu leh electrician, aluminium fabrication bakah basic food processing zir chhuak mi 78 lai an awm tawh tih sawiin Hulhiap Short Stay Center atanga chhuakte zingah tanpui zui tlak a ngaihte tan Bana kai h CM Special Package hnuaiah ruahhman na siam fel a ni tawh thu a sawi baw k.

Minister chuan Mizoram Presbyterian Kohhran-in a ruihhlo ngaite enkawl na hmun Jordan Center-a enkawl thei tur chu lawmawm a tih thu leh indawrna a kal mek thu a sawi a, hmeichhe hlei lenna tuarte tluk luhna hmun, One Stop Center pawh Khawzawl, Hnahthial, Saitual leh Vairengte ah Cheng nuaih 60 theuh seng a sak a nih tur thu a sawi baw k.



EXHIBITION ON NEW CRIMINAL LAWS

Ministry of Home Affairs duhdan anga Dan thar chi hrang hrang - BNSS, BNS, BSA chungchanga mipuite hriattur pawimawh tarchhuahna ‘Exhibition on New Criminal Laws’, chu Winter Festival, Lammual ah buatsaih a ni.

He Exhibition hi Mizoram Police leh Mizoram State Legal Service Authority tangkawp buatsaih niin, hemi hma hian Hnahsin Kut, Champhai leh Leitlangpui Music Festival, Lunglei ah te, Mizoram Police, District SP leh District Legal Service Authority te hmalakna in hlawhtling taka neih a lo ni tawh a. Exhibition ah hian dan thar chungchanga hriattur pawimawh hrang hrang, zero FIR, e-FIR, victim chanvo, hremna thar awm te leh a dangte tarlan a ni, dan thar chungchanga mipuite hriat tur pawimawh lakkhawm pamphlet leh leh khabua siam te a thlawn a sem a ni.

Exhibition tlawhtu Home Minister Pu K. Sapdanga chuan dan thar chungchang hriattur pawimawh te a tam thei ang ber mipuite hriattir tura hma la zel turin a chah a. Dan chungchang hriat duh neite tan Free Legal Aid Clinic buatsaih a ni bawk.

Home Minister hi Home Department official pawimawhte leh Mizoram Police official pawimawh ten an tawiawm a ni. He Exhibition hi tlawh theuh turin Mizoram Police chuan mipuite a sawm a ni.



HEALTH MINISTER

Health Minister Pi Lalrinpuii chuan Mizoram Universal Health Care Scheme tihchangtlunna atan Asian Developoment Bank kaltlangin loan US Dollar vaibelchhe 108 lak a nih tur thu a sawi.

Nimin khan a pisa ah chanchinbu mite lenga sawmin, Health Minister chuan MUHCS tihchangtlunna atana Mizoram sorkar rawtna chu sawrkar laipuiin a pawmsak bakah, Asian Development Bank hnenah sorkar laipui hian a thehluh sak thu leh ABD Board chuan tun thla December ni 5-a a pawm thu a sawi a. Hemi atan hian Health Minister chuan hmalakna tur tam tak awm thu leh theihtawp chhuah a nih thu sawiin, Sorkar laipui leh Asian Development duh danin a project hming pawh “Supporting Public Healthcare System Strengthening to Achieve Universal Health care for Mizoram” tih vuah a nih thu a sawi a, Mizoram sorkarin a pawisa a puk tur chu za a 90% sorkar laipuiin a tum dawn bakah 10% chu kum 15 chhung Mizoram sorkar rulh tura tih a nih thu Health Minister chuan a sawi bawk.

Pi Lalrinpuii chuan Aizawl Civil Hospital Block A leh B Building chu hlauhawm khawpa a chhiat tawh avangin, a sak that nan PMJVK Scheme atangin cheng vaibelchhe 88 sing 3 sang 3 ruahman a nih thu leh 1st installment, cheng vaibelchhe 29 sing 1 sang 7 chu an dawn tawh thu a sawi a, Damdawiin sak that hna chu Mizoram PWD kuta hlan a nih thu leh a sa tha tu tur tender hmanga zawn mek a nih bakah damdawiin thiah leh sak that a nih chhunga damlo enkawlna tur hmun pawh ngaihtuah mek anih a ti a, Kulikawn Damdawiin chu kawng hnih a tihchangtlun tum mek a nih thu sawi bawkin Civil Hospital, Aizawl chhawk zangkhai deuh thei tura khum 50 awmna tura DONER atanga an sum hmuh cheng vaibelchhe 34 sing 7 sang 5 a tihlen tum mek a nih thu leh rilru lama harsatna neite enkawlna atan khum 50 NEISDS atanga an sum hmuh cheng vaibelchhe 19 sing 7 sang 3 hmanga siam tum mek a nih thu a sawi bawk.



END

Excise and Narcotics Department chuan hunpui lo thleng turah khualzin leh mipuite him tlan zawk nan hmun hrang hrangah lirthei khalhtute an endik.

Excise and Narcotics Department chuan mipui phur lirthei khalhtute'n zu an ruih leh ruih loh endikna kar hmasa atang khan an kalpui tan tawh a, Mizoram hmun hrang hrangah leh Aizawl luhchhuah ah te duty in dahin, mipui phur lirthei khalhtute'n rui chungah lirthei an khalh leh khalh loh te endik a ni.

He hunpui lo thleng tur hi mipuite'n hlim leh him taka an hman tlan theuh theih nan phalloh thil ti lo tur leh ruihtheihthil laka fihlima, hemi kawnga sorkar hmalakna te thlawp zel turin an ngen a ni.

Serchhip District Excise and Narcotics Department chuan thawhtanni khan Keitum atanga Tuichang panna kawngah Heroin gram 200 chu Joseph Lalrindika (kum 48) Champhai Tlangsam, Dinthar Veng hnen atangin man a ni a, an lirthei leh neitua puh hi man a ni a, Thawhtanni vek hian Lower Chanmari veng Serchhipah Lallawmzuala (kum 33) Lower Chanmari hnen atangin Ganja gram 133.85 man a ni a.

Heng ruihhlo neitua puhte hi Narcotics Drugs and Psychotropic Substances Act, 1985 tlawhchhana thubuai siam sak nghal a ni.

